

مشرق و مغرب

محل مطبعه و اداره :

جفال اوغلنده امنيت
صندوغى جوارنده
شنگول يقوشنده
۲۲ نومرو

اخطار :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دینه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشیور اسلامیه بحث ابر و هفته ده بر نشر اولنور .

آبونه بدلی

صاحب و مؤسسلری :

سنه لکی	القی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ پاره در

قیرلهدن مقوا بورو ایله کوندریلیرسه سنوی
۲۰ غروش فضله آلنیر

عدد : ۱۳۴

۲۸ ربیع الاول پنجشنبه ۱۷ مارت ۳۲۶

آلتنجی جلد

النی اوقابك ایچنه صوقدی وخلقہ اورادن آبدست آسونلر دیه امر ایتمدی . - انس دیرکه (ایشته اوزمان رسول الله صلی الله علیه وسلم) بارماق لری آلتندن (حاضر وندن) کیسه قالماق اوزره جمله سی آبدست آنجیه قدر صو قاینادیغنی کوردم .

۱۳۴ - ترجمہ

ینہ انس بن مالک رضی الله عنہن روایت اولونیورکه رسول الله صلی الله علیه وسلم (حجة الوداعده) باشنی تراش ایتمدیکی زمان صاحبندن الشاول آلان ابوطلحه اولدی .

۱۳۵ - ترجمہ

ابوهریره رضی الله عنہن رسول الله صلی الله علیه وسلم : « ایچکزندن برینک قابندن کوپک (برشی) ایچرسه اوقابی یدی کره ییقاسون » بویوردینی روایت اولونیور .

احمد نعیم

فوضع یدہ فی ذلک الاناء [۳] وامر الناس ان يتوضؤا منه . قال فرأيت الماء ينبع من تحت أصابعه [۴] حتى توضؤوا من عند آخرهم . بر روایتده (فلم یجدوه) . [۳] الله کی بخاری نسخه لرندہ (فوضع رسول الله صلی الله علیه وسلم فی ذلک الاناء یدہ) . [۴] بر روایتده (یفور من بین اصابعه) .

۱۳۴ - حدیث شریف

وعنه رضی الله عنه ان رسول الله صلی الله علیه وسلم [۱]

لما حلق رأسه كان ابو طلحة اول من اخذ من شعره .

[۱] بر روایتده (ان النبی صلی الله علیه وسلم) .

۱۳۵ - حدیث شریف

عن ابی هريرة رضی الله عنه ان رسول الله صلی الله علیه وسلم

وقال اذا شرب الكلب في اناء [۱] احدم فليغسله سبعاً .

[۱] بر روایتده (من اناء) .

سلامت و صحت

روحك علم ايله تهذیبی

وجودك پیسلنكدن تطهیری نه درجه ده لازم ایسه روحك ده لوٹ اوهامدن تهذیبی اوقدرالزم اولدیغنی یوقاریکی مقاله مزده سویلمش ایدك . شیمدی سویلیه جكمز سوز شودرکه : بدنك محتاج اولدیغنی تطهیرات مادیه ایچون فصل خسته لق میقروبارندن خالی برواسطه تطهیره احتیاج موجود ایسه روحده لوٹ اوهام وخرافادن تمیزلنمك ایچون اوله تمیز برواسطه محتاجدر . ایشته هر درلو میقروبدن عاری اولان اومغوی واسطه تطهیر تجربه ایله ، حسن ایله ثابت اولان علمدن باشقه برشی دکلدر .

بواویله واضح بر حقیقتدرکه هیچ برعاقل ایچون موجب مناقشه اوله ماز . جهان متمدنده هرکسندن اول شودستوری وضع ایدن اوان یدنجی عصر رجالندن مشهور (ده قارت) ارلمشدرکه اودوردن زمان حاضرده کلنجیه قدر بوتون مسائل علمیه هپ فیلسوف مشار الیهک شوملسلکی موجبجه تدقیق اولنمقددر

روحك لوٹ اوهام وظنوندن تطهیری ، علم و حکمتله تهذیبی ضروری الزوم اولدیغنه دائر دساتیر حقیقه وضع ایتك خصوصنده مسلمنانلق بوتون عالم انسانیتدن ارل داورانمشدر ؛ فصلکه علمك هم ارکك ، هم قادین ایچون لزوم قطعینسه حکم خصوصنده ینه عمومه تقدم ایتش ایدی . ایشته جناب پیغمبر (طلب العلم فریضة علی کل مسلم ومسلمة — اطلب العلم من المهد الی اللحد) طرزنده امرلر ویریور . بوبویله اولدیغنی کبی دین مبین اسلام حریم علمه ظنون وخرافاتک کیره جکی ندقدر دلیک دشیك وارسه کاملاً قیامش ؛ دلیل ایله تأیید ایتمین ، طوغریلغنه براهین قطعیه قائم اولمایان ماهیتلره علم نامنی

ویرمه مشدر . فاطر حکیم « عندکم من سلطان بهذا أتقولون علی الله ما لا تعلمون » بویوریور .

صرف شخصی برطاقم منافع خسیسه تأمین ایچون برچوق انسانلرک حقائقی تحریف ایتسکلرینی قرآن کریم صراحة سویلیه رک ، ناصیه خذلانلرینه (معندی = ظالم) تمغاسی اوریلان بوکبی مضالمک اغفالاتنه قایلیمقدن بزی تحذیر ایدیور : « وان کثیرا من الناس لیضلون باهوائهم بغير علم ان ربك هو اعلم بالمعتدين » — ومن الناس من یجادل فی الله بغير علم ولاهدی ولا کتاب منیر . « دهاصوکره ، اوکی ارباب اضلالک هوساتنه ، افکارینه تبعیت ایدنلرک حالنی حکایه ایدرک بویله لرینی سوء عاقبت ایله انزارده بولونیور ؛ یاشقه لرینی تقلید ساقه سیله بوکریویه دوشمش اولملرینک کنسدیلرینی قورتاره جق بر معذرت اوله مایه جغنی صراحة بیلدیریور : « واذا تبرأ الذین اتبعوا من الذین اتبعوا وراوا العذاب وتقطعت بهم الاسباب وقال الذین اتبعوا لو أن لنا كرة فنتبرأ منهم کاتبرأوا منا کذلک یریهم الله اعمالهم حسرات علیهم وما هم بخارجین من النار . »

دین مبین اسلام علمك یالکیز خیات باقیه عقبا ایچون دکل ، بومعیشت فانیه دنیا ایچون ده ضروری اولدیغنی ، شئون جهانک صلاحی علمسز قابل اوله مایه جغنی انک مقنع براهینه استناداً اوله یوکسک برندا ایله تبلیغ ایدیورکه خواب غفلتده بولانلرک انتباهه ، اویانلق طورانلرک ده فعالیتله کله مسی تصور اولنه ماز . علیه الصلاة والسلام افندیمز « دنیایی ایسته ین علمه صاریلسین ؛ آخرتی ایسته ین علمه صاریلسین ؛ هم دنیایی هم آخرتی ایسته ین علمه صاریلسین — من أراد الدنیا فعليه بالعلم ومن أراد الآخرة فعليه بالعلم ومن ارادها معاً فعليه بالعلم . » بویوریور .

مسلمانلق طلب علمدن کری طورانلری وجیهه ذمتی اداده قصور

صکره مسلک قدیم تصوفه سلوک ایلوب ابوالمعالی شیخ کبیر صدرالدین قونوی خلفا سندن صاحب تفسیر و شارح فصوص الحکم (کمال الدین قاشانی) نک ارشادیله بوسنک جلیله دخی قطع مراتب معنویه ایله رتبه خلافت بعد المظهریه مسقط رأسه عودتله نشر علم و عرفانه باشلادی .

بو اثنا الرده (ایزنیق) ک فتحنه موفق اولان ثانی سلاطین آل عثمان جنتمکان سلطان اورخان ، صاحب ترجمه نک صیت فضائی ایشیده رک (ایزنیق) ه دعوتله ایلك بنا ایتدیکی مدرسه نک مدرسلکنی توجیه بیوردی . وحضرت فاضلک حیات علمیه سی اصل بوندن صکره انکشاف ایدرک بر چوق تلامیذ تشدیرمک شرطیله ثمره دار اولدی و بو وادیده تدریس و تالیف ایله گذارنده اوقات ایکن (۷۵۱) تاریخنده ارتحال دار نعیم ایلدی . چانداری غازی خیرالدین پاشا جامع شریفی قارشیسندنه الیوم (چینار دیی) دینان محله دین خاک غفراندر .

انقلاب دهر تأثیری و یاخود قدر ناشناسی سائقه سیله اوج سنه اول یازیدن عاری پک عادی ایکی طاشدن عبارت کوردیکم سنک مزارینک بوسنکی زیارتده خیرالدین پاشا اعتمادندن (محمود بک) نامنده قدر دانان امتدن بر ذات طرفندن ایا ایدلیدی منظور چشم شکرانم اولدی .

آثار محققانه لری :

(۱) شرح فصوص الحکم : (مطلع فصوص الکلم فی معانی فصوص الحکم) اسمیه مسمی بو شرح قیمتدار اخیراً هندستانده طبع ایلدی . اصل بادی اشتهاری اولان بو شرحک حاوی اولدینی مقدمه سی بوجه آتی اون ایکی قسمه منقسمدر . (۱) وجود حق (۲) اسماء وصفات حق . (۳) اعیان ثابته . (۴) جوهر عرض . (۵) عوالم کلیه وحضرات خمس الهیه . (۶) عالم مثاله تعلق ایدن مسائل (۷) مراتب کشف وانواعی . (۸) بحسب المراتب صورت حقیقت انسانیه اولان عالم . (۹) خلافت محمدیه واقطاب . (۱۰) عالم انسانیده کی روح اعظمک مراتب واسما سی . (۱۱) روحک ومظاهر علویه وسفلیه سنک حقه رجوعی . (۱۲) نبوت ، رسالت ، ولایت .

(۲) شرح حدیث اربعین .

(۳) شرح قصیده تأییه ابن فارض .

(۴) مراتب التوحید .

(۵) تحقیق ماء الحیات وکشف اسرار الظلمات .

(۶) نهایة البیان فی درایة الزمان .

(۷) شرح قصیده شرح اکبر المسمى بقرة عين الشهود .

(۸) شرح عروض اندلی .

(۹) تفسیر قاشانی نک بسماء شریفه تفسیرینه عائد مقدمه .

(۱۰) شرح فصوص الحکم (صغیر) .

۹۱ مارت سنه ۱۳۲۷ بروسه مبعوثی

محمد طاهر

ایدنلردن زیاده مؤاخذه ایدیور : «الدنیا ملعونه ملعون مافیهـ الا علماً اومتعلماً — انه لاخیر فی العیش الا العالم ناطق اولسامع داع = دنیا ملعوندر ، دنیهاده نه وارسه ملعوندر ، آنجق عالمله تحصیل علمده بولانلر مستشار . — معلوماتی اوکرتن عالمله دیکلدیکنی حفظ ایدن سامعلردن باشقه سی ایچون حیاتک هیچ بر خیری یوقدر . حدیث (.

دین مین اسلام بزی شوصورتله انذار ایدیور : بر زمان کله جک که الحاد اله بیلدیکنه رواج بوله جق ، دیندن اولمایان شیلر دینه کیره جک ارکان اسلامی اساسندن ییقمق ایچون علمای منافقین طرفندن دینه برسورو خرافات صوقیله جق ؛ هم اویلا ماهرانه صوقیله جق که حقیقت اسلامه وقوفی اولمایانلر هیچ فرقه وازمه یه جق . ایشته جناب پیغمبر «ستکون بعدی فتن یصبح الرجل مؤمنًا ویمنی کافرًا الامن احیاه الله بالعلم .» بویوریور .

اسلام بزه صراحة بیلدیریور که : جهالت ایلامسلمانلق بریده اجتماعی ناقابل ایکی ضد کاملدر ؛ احکام جلیله قرآنی ادراکده ترقی علم و عرفانده ترقیه منوطدر ؛ شوحالده جهالتله راضی اولانلر خالق حکیمک کلام الهیسنی الی الابد اکلامامه یه راضی اولیورلر دیمکدر که قرآنندن مقصود روحک لوث او هامدن تطهیری ، معالی ایله تهذیبی اولمسنه کوره بویوزدن اوغرایه جقلری خسار تقدیرک احاطه ایدمه جکی قدر مدهشدر ، جناب حق «وتلك الامثال نضرب بها للناس وما یقبلها الا العالمون» بویوریور . حضرت پیغمبر «وهل ینفع القرآن الا بالعلم .» دیور .

ایشته مسلمانلق علمه بوقدر یوکسک بر موقع ویرمش ، مسلمانلری تحصیل علمه بودرجه لده ترغیب ایتشدر . اویلا ظن ایدرکه لسان اسلامدن صادر اولان بوسوزلرک روح اوزرنده تأثیری حکمای مدنیتدن ایشتدیکمز سوزلرک هپسندن ده مؤثر اولدینی نظرلرده عیاناً تجلی ایلامشدر . ومن احسن من الله حدیثاً

محمد عاکف

تراجم احوال :

داود قیصری

شرف الدین داود بن محمود قیصری

علماء راسخیندن و محققین مشایخ واصلیندن بر ذات ستوده صفات اولوب (قیصریه) لیدر . علوم الیهی کاملاً ، علوم عالییه ده قسماً وطنی فضلاسندن بعد التعلیم علوم عالییه نک اقصى المقاصد اولان حدیث ، تفسیر کبی شعبات عالییه سنده — «خذوا العلم من افواه الرجال» امر عالیسنه تبعاً — مشار بالبنان اولان اسحاب علم وایقان واریاب اختصاص و عرفانندن استفاده ایتک مقصدیله دیار مصره عزینتله بر قاق سنه اقامت وکیجینی کوندوزه قاتار جهسنه جهد و اقدام ایله نائل مقصد اوله رق شرکاسی میاننده متمیز بر صورتده اخذاجازندن